

Qishloq hayoti

2013 йил Обод турмуш йили

Qishloq ҳаёти

O'zbekiston Respublikasi ijtimoiy-iqtisodiy gazetasi www.qishloqhayoti.uz

2013-YIL 2-AVGUST, JUMA, 94 (8175)-son

1974-yil 1-yanvardan chiqa boshlagan
Bahosi kelishilgan narxda.

Қадр-қимматим, паяғим ва ифтихоримсан, мустақил Ўзбекистон!

МУСТАҚИЛ ҲАЁТ ОСТОНАСИДАГИ СИНОВ

“АБИТУРИЕНТ – 2013”

1 август куни юртимиздаги барча олий ўқув юртларида тест синовлари бўлиб ўтди

Ёшлик – орзулар олами. Табиийки, уларнинг амалга ошиши учун ҳаракат, тинимсиз изланиш, мустаҳкам ирода талаб этилади. Мустақил ҳаётнинг илк қадами касб танлашдан бошланади, десак муболаға бўлмайди. Касбни эгаллаш учун эса хоҳишу қизиқишдан ташқари, мустаҳкам пойдевор – билим ҳам керак бўлади.

Айни кунларда барчамизнинг хаёлимизни бирровгина бўлса-да банд этган бир жараён бор. Яъни кимнингдир фарзанди, ё қариндоши, ҳеч бўлмаганда таниши олий ўқув юртига кирмоқчи. Аудиторияларда тест синовларини топшираётган йигит-қизлар ҳам, имтиҳон олаётган ўқитувчилар, ҳатто фарзандларининг синовдан муваффақиятли ўтишини кутаётган ота-оналар ҳам бирдек ҳаяжонда.

Кеча талаба бўлиш, шу юрт корига ярашдек эзгу мақсадни дилига жо айлаган йигит-қизлар ўз билимларини синовдан ўтказди. Бунда адолат мезоналарига тўла жавоб берадиган тест синовлари муҳим аҳамият касб этди.

Сўнгги йилларда мамлакатимиздаги олий ўқув юртларида ўзи танлаган соҳанинг етук мутахассиси бўлишга интилаётган ёшларимизнинг сони тобора ортиб бораётир. Бу юртимизда мустақиллик йилларида барча соҳаларда олиб борилган туб ислохотлар, хусусан, ёш авлоднинг етук маънавиятли, билимли ва малакали мутахассис бўлиб камол топишига қаратилаётган юксак эътибор самарасидир. Зотан, Ўзбекистон Республикасининг “Таълим тўғрисида”ги Қонуни, Кадрлар тайёрлаш миллий дастури ҳамда таълим тизимини ривожлантиришга доир бошқа қатор ҳуқуқий-меъёрий ҳужжатларнинг қабул қилинишидан кўзланган мақсад ҳам шу аслида.

(Давоми 2-саҳифада)



Янги ўқув йилида бакалаврият йўналишининг биринчи курсига 56607 нафар талаба қабул қилинади. Уларнинг 19120 нафари давлат гранти ва 37487 нафари тўлов контракт асосида таълим олади.

САҲИФАЛАРДА:



ТОШКЕНТ: КЕЧА ВА БУГУН 2



ҲАЁТИДАН МАМНУН ОДАМЛАР 3



КУРАШИМИЗ ДОВРУҒИ ДОВОН ОШМОҚДА 5

МУСТАҚИЛ ҲАЁТ ОСТОНАСИДАГИ СИНОВ

(Боши 1-саҳифада)

Айтиш жоизки, жорий йилда кириш имтиҳонлари Президентимизнинг 2013 йил 11 июндаги “2013/2014 ўқув йилида Ўзбекистон Республикасининг олий таълим муассасаларига қабул тўғрисида”ги Қарорига мувофиқ ўтказилди. Ушбу ҳужжатда олий ўқув юр்தларига талабаларни қабул қилиш квоталари тасдиқланган.

Ҳужжат мамлакатимиз иқтисодиёти тармоқларида ва минтақаларида талаб этиладиган ихтисосликлар бўйича юқори малакали мутахассисларни сифатли тайёрлашни таъминлаш, шунингдек, мамлакатни ижтимоий-иқтисодий ривожлантириш, иқтисодиёт таркибини модернизациялаш ҳамда диверсификациялаш истиқболларини ҳисобга олган ҳолда олий таълим йўналишлари ва мутахассисликларини янада муқобиллаштириш ва унификация қилиш мақсадида қабул қилинган.

Унга кўра, янги ўқув йилида бакалавриат йўналишининг биринчи курсига 56607 нафар талаба қабул қилинади. Уларнинг 19120 нафари давлат гранти ва 37487 нафари тўлов контракт асосида таълим олади.

Ўзбекистон Республикаси Вазирлар Маҳкамаси ҳузуридаги Давлат тест марказидан олинган маълумотларга кўра,

жорий йилда мамлакатимиз олий ўқув юр்தларига 480407 нафар абитуриент ҳужжат топширган. Бу ўтган йилги абитуриентлар сонига қараганда олий таълим муассасаларига 48390 нафардан зиёд абитуриент ҳужжат топширди, дегани. Ушбу кўрсаткич ҳам юртимизда ёшлар орасида илмга интилувчан йигит-қизлар сафи тобора кенгайиб, тест синовларида ўзаро рақобат йилдан-йилга ортиб бораётганидан далolat бераётди.

– Мен Қашқадарё вилоятининг Китоб туманиданман, – дейди Достон Янгибоев. – Педагог бўлиш ниятида ҳужжатларимни Низомий номидаги Тошкент давлат университетининг математика-информатика факультетида топширган эдим. Бугун тест синовларини топширдик. Ўқиб-ўрганган саволларимиз тушди. Албатта, талаба бўлишимга ишонаман.

Бугун юртимиз ёшларининг юз-кўзларидан, бурро-бурро сўзларидан талаба бўлиш иштиёқи, ўз билим ва кўникмаларига бўлган ишончни ўқиб олиш қийин эмас.

Яна рақамларга тўхталадиган бўлсак, бу йил Термиз давлат университетидан қабул квотасига нисбатан бир ўринга 14,9 нафар абитуриент тўғри келган бўлса, Гулистон давлат университетидан бир ўринга 14,6 нафар, Қарши, Андижон,



Аъло АБДУЛЛАЕВ, Ёлқин ШАМСИДДИНОВ (ЎЗА) олган суратлар.

Фаргона давлат университетларига ҳам ҳужжат топширган абитуриентлар сони қабул квотасига нисбатан ўртача 13 нафар ва ондан юқорини ташкил этди. Агар ушбу рақамларни ўтган йиллар билан таҳлил этадиган бўлсак, 2005 йилда бир ўрин учун 4,7 абитуриент кўрашган бўлса, 2006 йилда бу рақам 5,4 кишига етган. Ўтган 2012 йилда эса бир ўрин учун 7,6 киши даъвогарлик қилган. Жорий йилда мазкур кўрсаткич яна янгиланиб, республика бўйича ўртача танлов 8,5 ўринни ташкил этди. Бундан кўриниб турибдики, жорий йилда мамлакатимиз олий ўқув юр்தларига билим уфқи кенг, муносиблар ичра муносиб ўғил-қизлар танлаб олинади.

– Бу йил Зомин тиббиёт коллежини тамомладим, – дейди жаззахлик Лола Норбоева. – Тиббиёт соҳасига бўлган қизиқишим туфайли янада билимларимни бойитиш, шу соҳанинг етук мутахассиси бўлиш мақсадида ҳужжатларимни Тошкент давлат педиатрия

институтига топширдим. Тест саволларига кўнгилдагидек жавоб белгиладим.

Ҳа, яқин кунларда мавжуд имкониятлардан самарали фойдаланиб, ўқиб-изланган, ўз устида тиним билмай ишлаб, билимларни пухта эгаллаган минглаб ёшлар ўзлари танлаган соҳа ва мутахассислик бўйича таълим олиш имкониятини қўлга киритиб, мамлакатимиз талабалари сафига қўшилади.

... Абитуриентларнинг ҳаяжони чексиз. Олий таълим даргоҳи, бугунги синов онлари ўқув юр்தларини янада жозибали, сирли қилиб кўрсатади, талабаланинг олами ҳақида сўз очаётгандек бўлади. Бу эса абитуриентларнинг шу даргоҳда ўқишга бўлган ҳавасини, “ўқишга кира олармиканман” деган ҳаяжонини янада оширади. Уларнинг тест синовлари жавоби муваффақиятли бўлиб, талаба деган номга муяссар бўлишига омад тиладик.

Гулноза ТУРҒУНБОЕВА,
“Qishloq hayoti” мухбири.



ЭКОЛОГИК НАЗОРАТДА ЖАМОАТЧИЛИКНИНГ ЎРНИ

Нукусда «Фуқаролик жамияти институтларининг жамоатчилик экологик назоратни амалга ошириш соҳасидаги роли ва ўрни» мавзuida давра суҳбати бўлиб ўтди.

Тадбир Ўзбекистон Республикаси Олий Мажлиси Қонунчилик палатаси Экология ва атроф-муҳитни муҳофаза қилиш масалалари қўмитаси, Экоҳаракат депутатлари гуруҳи, Ўзбекистон экологик ҳаракати Қорақалпоғистон Республикаси худудий бўлинимаси билан ҳамкорликда ташкил этилди. Давра суҳбатида Олий Мажлис Қонунчилик палатаси Экология ва атроф-муҳитни муҳофаза қилиш масалалари қўмитаси раисининг ўринбосари П.Реймов “Экологик назорат тўғрисида”ги Ўзбекистон Республикаси Қонуни лойиҳасининг мазмун-моҳиятига тўхталиб ўтди. Шунингдек, тегишли вазирликлар, нодавлат нотижорат ташкилотлар, сиёсий партиялар, ўзини ўзи бошқариш органлари вакиллари мазкур қонун лойиҳаси бўйича ўз таклифларини билдиришди.

– “Экологик назорат тўғрисида”ги Ўзбекистон Республикаси Қонуни лойиҳаси ташкилотларимиз томонидан чуқур ўрганилиб чиқилди, – дейди Ўзбекистон Нодавлат нотижорат ташкилотлари миллий ассоциацияси Қорақалпоғистон ресурс марказининг раҳбари Гулнора Жапақова. – Бугунги кунда Орол бўйида 400 га яқин нодавлат нотижорат ташкилотлар фаолият олиб бораётган бўлса, шундан 5 таси айнан экология, 12 таси эса соғлиқни сақлаш соҳаси билан шуғулланмоқда. Ўтган давр мобайнида атроф-муҳитни муҳофаза қилиш, аҳолининг экологик ва тиббий маданиятини ошириш, айниқса, ёшларга соғлом турмуш тарзини тарғиб қилиш борасида қатор тадбирлар ўтказилди.

Давра суҳбатида иштирокчилар томонидан билдирилган таклифлар бўйича тегишли қарор қабул қилинди.

Давуд АБИДУЛЛАЕВ

ТОШКЕНТ: КЕЧА ВА БУГУН



Ўзбекистон Бадий академияси Марказий кўргазмалар залида Ватанимиз мустақиллигининг 22 йиллигига бағишланган “Тошкент: кеча ва бугун” мавзусидаги бадий кўргазма очилди.

Тошкент шаҳар ҳокимлиги, Ўзбекистон Бадий академияси, Ўзбекистон Миллий ахборот агентлиги – ЎЗА, Касаба уюшмалари федерацияси кенгаши ҳамкорлигида ташкил этилган мазкур кўргазманинг очилишида турли вазирлик ва идоралар, жамоат ташкилотлари вакиллари, маҳалла оқсоқоллари, хотин-қизлар қўмиталари фаоллари, маънавият тарғибчилари, талаба-ёшлар иштирок этди.

Тошкент шаҳар ҳокимининг ўринбосари, шаҳар хотин-қизлар қўмитаси раиси Ф.Абдурахимова, Ўзбекистон бадий академияси раиси А.Нуриддинов, Ўзбекистон Касаба уюшмалари федерацияси кенгаши раиси Т.Норбоева, Ўзбекистон Миллий ахборот агентлиги Бош директори М.Ҳазратқулов, Ўзбекистон халқ рассоми Ж.Умарбеков ва бошқалар Президентимиз Ислам Каримов раҳнамолигида йигирма икки йил аввал қўлга киритилган истиқлол мамлакатимизда янги ҳаёт, янги

жамият асосларини барпо этиш, соғлом ва мустақил тафаккурли, баркамол авлодни вояга етказиш, инсон омилига устувор аҳамият қаратиш, барча соҳаларда асрларга татигулик ислохотларни амалга ошириш, Ватанимизнинг жаҳон ҳамжамиятидаги нуфузи ва обрўсини юксалтиришга кенг йўл очиб берганини таъкидлади.

Давлатимиз раҳбарининг 2013 йил 12 июнда қабул қилинган “Ўзбекистон Республикаси давлат мустақиллигининг йигирма икки йиллик байрамига тайёргарлик кўриш ва уни ўтказиш тўғрисида”ги қарорига биноан кўтаринкилик, шоду хуррамлик билан ўтказилаётган тадбирларда бу жиҳатлар ўзининг ёрқин ифодасини топмоқда.

Истиқлол йилларида Тошкент шаҳри кўркам ва замонавий киефа касб этди. Пойтахтимиз нафақат мамлакатимиз, балки жаҳоннинг юксак тараққий этган ижтимоий-сиёсий, иқтисодий-молиявий ва маъ-


навий-маърифий марказларидан бирига, кудратли саноат ва транспорт-коммуникация тармоқлари, замонавий ижтимоий инфратузилмани ўзида мужассам этган йирик мегаполисга айланди. Президентимиз ташаббуси билан Тошкентнинг 2200 йиллик юбилейи кенг нишонланди.

Мустақиллик йилларида Тошкентда кўплаб муҳташам иншоотлар, ижтимоий объектлар, маънавият ва маърифат масканлари, замонавий турар-жойлар, сўлим хиёбонлар, маданият ва истироҳат боғлари, кенг ва равон йўللар, кўприклар, спорт-соғломлаштириш марказлари бунёд этилди. Пойтахтимиз айна пайтда халқаро миқёсдаги анжуманлар, форумлар, кўргазмалар, йирик фестиваллар, санъат байрамлари марказига айланди. Тошкент жаҳондаги ижтимоий барқарор, тинч, экологик жиҳатдан тоза ва покиза шаҳарлардан бири сифатида кенг эътироф этилмоқда. Айна пайтда бу гўзал шаҳар кўпмиллатли халқимизнинг фахри ва гурури, тинчлик-осойишталик ва барқарорлик тимсолидир.

“Тошкент: кеча ва бугун” мавзусидаги бадий кўргазмани ўтказишдан кўзланган асосий мақсад ҳам истиқлол йилларида Тошкентда амалга оширилган кенг қўламли бунёдкорлик ва яратувчанлик ишларини фотография, рангтасвир асарлари воситасида намойиш этиш, ёшлар онгига тинч ва осойишта, саодатли кунларимизнинг, истиқлолнинг қадрига етиш гоёларини чуқур синдиришдан иборатдир.

Кўргазмадан профессионал ва ҳаваскор мусавирлар, фотоижодкорларнинг уч юздан ортик ижодий иши ўрин олган. Уларда Тошкентнинг кечалиги куни, бугунги тараққиёти, обод маҳаллалари, муҳташам бинолари, тўкин ва фаровон бозорлари, умрбоқий анъана ва қадриятлари, баркамол авлод келажаги йўлида кўрсатилаётган чексиз меҳр ва эътибор акс эттирилган.

Назokat УСМОНОВА,
ЎЗА мухбири.

 Фарғона Вилояти

ФАОЛИЯТ ТАРМОҒИ КЎП, ДАРОМАД МАНБАИ ЖЎБ

Фермерга омад ёр бўлмоқда. Шу сўзларни ёзди-му ўйланиб қолдим: айримлар ўйлаганидек, омад ўз-ўзидан келмайди-ку?! Унинг замирида заҳматли меҳнат, беҳаловат кунлару уйқусиз тунлар, узлуксиз изланиш, одамлар қалбига йўл топиш, ҳар бир боғбону миришкор деҳқон билан юзага келган муаммолар ечимини топиш учун бош қотиришга тўғри келиши хаёлимдан ўтди.

Ҳақ гапни айтадиган бўлсак, фермерлик ҳаракати бошланганда айрим одамлар унга ишонқирамай қарашганди. Баъзи раҳбарлар эса фермерларга буйруқ беришдан нарига ўтишмагани ҳам бор гап. Аммо давр фермерлик ҳаракатининг истиқболли эканлигини намён этди. Фермерлик ҳаракатининг кенг қулоч ёзишида соҳанинг ҳуқуқий қонунчилик базаси мустаҳкамлангани муҳим аҳамият касб этди. Хусусан, “Фермер хўжалиги тўғрисида”-ги Қонуннинг қабул қилиниши ҳуқуқий асос-пойдевор бўлиб хизмат қилди.

Соҳада кучли ҳуқуқий асос яратиш, моддий-техник базани мустаҳкамлаш, фермерларнинг ер майдонларини мақбуллаштириш борасида амалга оширилган комплекс чора-тадбирлар фермер хўжаликлари самарадорлиги ва рентабеллиги ўсишини таъминлади.

Бунинг самарасини эса бугун ҳаётимизда, бозорларимизда тўкинлик, дастурхонимиздаги баракада кўриб турибмиз. Бугун фермерлар маҳсулот етиштирибгина қолмай, уни қайта ишлаб, сервис, қурилиш, инфратузилмани ривожлантириб аҳоли бандлиги ҳамда турмуш даражасини яхшилашда муносиб улуш қўшишмоқда.

Президентимизнинг 2012 йил 22 октябрдаги “Ўзбекистонда фермерлик фаолиятини ташкил қилишни янада тақомиллаштириш ва уни ривожлантириш чора-тадбирлари тўғрисида”-ги Фармони асосан ҳаётга татбиқ этилаётган янгилликлар қишлоқ мулкдорларига таянч бўлмоқда.

— Мазкур Фармонга асосан фермерлар учун ривожланишнинг истиқболли эшиклари кенг очилди, — дейди биз билан суҳбатда Қува тумани-

даги кўп тармоқли “Оқ олтин” фермер хўжалиги раҳбари Хурматилло Ҳакимов. — Вилоят, туман Фермерлар кенгаши тузилиб, янги куч ва мақомдаги фаолиятларини бошлаб юборишди, малакали мутахассислар, ҳуқуқшунос кадрлар фермерларнинг яқин маслаҳатгўйига айландилар. Фермер хўжаликлари самарали ишларини учун янги замонавий техника жиҳозлари билан изчил таъминлаш йўлга қўйилди. Ердан самарали фойдаланиш, сара уруғларни экиш, боринги, фермер хўжаликлари раванқини таъминлашга хизмат қиладиган чора-тадбирларнинг амалга оширилаётгани қишлоқ мулкдорларига куч, қанот бахшида этмоқда.

Фермернинг завқ-шавқ билан бошлаган суҳбатини тинглаб, унинг дала-сига ошиқдик. Бугдойзорда ўрим-йиғим якунланиб, дала шудгорланган. Бошқа томонда эса меваси фарқ пишган боғ-роғлар, узоқдан кўзга ташланиб турган гишт заводи, яқинроқ борсангиз қанотларини кўтариб, сизга томон келаётган гозлар, ўрдаклар кўлда сузиб юганининг гувоҳи бўласиз. Бир томонда иссиқхонада бодринг, помидор, турли хил резавор кўкатларни ўстирилганига, яна бир томонда кулчилик устахоналарига кўзингиз ташади. Алоҳида жойда паррандачилик ривож топаётганига гувоҳ бўлдиқ, замонавий цехда эса макарон маҳсулотларини ишлаб чиқараётган оқ халатли


ёш йигит-қизларни кўриб қувондик.

— Бу йил коллежларни битирган ёшларни ишга қабул қилиш учун тикувчилик, каштачиликни йўлга қўйдик, — дейди қишлоқ мулкдори. — Ёшлар келагагимиз, уларни иш билан таъминлаш эса бизнинг вазифамиз. Бу йил галла ҳосили мўл бўлди. 51,2 гектар ердаги галланинг ҳосилдорлиги 60 центнердан ошди. Бу, энг аввало, хўжалигимиз иқтисодини мустаҳкамлаш, моддий-техника базасини янгиллаш, пировардида иш унумдорлигини оширишда муҳим омил бўлади. Қолаверса, режадан ортган галла хўжалик аъзоларининг моддий манфаатдорлиги ошишига хизмат қилади. Юқори ҳосилдорликдан руҳланган жамоамиз аъзолари пахтадан ҳам баракали хирмон яратиш мақсадида меҳнат қилишмоқда.

Фермер хўжаликларининг кўп тармоқли бўлиб бораётганлиги гоё эътиборлидир. Чунки кўп тармоқда даромад ҳам кўп бўлади. Қолаверса, ҳар бир тармоқ янги иш ўринлари яратишга хизмат қилади.

Фермерлик ҳаракати қишлоқларимизнинг ободлиги, одамларнинг турмуш фаровонлигини оширишда етакчи кучга айланаётганини Хурматилло Ҳакимов бошчилигидаги “Оқ олтин” фермер хўжалиги мисолида ҳам кўриш мумкин. Омад ҳамisha ёр бўлсин, қишлоқ мулкдори, дея ният билдиргимиз келади.

Неъматжон ҲАСАНОВ

 Самарқанд Вилояти



АСАДНИНГ ҲАР ДАМИ ҒАНИМАТ

Пастдарғом тумани пахтакорлари ёзнинг ҳар кунидан унумли фойдаланган ҳолда гўза парваришини олиб боришмоқда. Бу йил тумандаги 650 га яқин фермер хўжалиги қарийб 46 минг тонналик пахта хирмони яратишни ният қилишган.

Ғўзалар шу кунгача уч марта тўлиқ сувдан чиқди, рисоладагидек ишлов берилди. Об-ҳавонинг ноқулай келганлиги боис, ниҳолнинг ривожини ўтган йилдагиларга нисбатан ўн-ўн беш кунга кечикканди. Қатъий режа асосида олиб борилган агротехник тадбирлар туфайли аксарият пахта майдонлари бултурги ривожланиш палласига етказиб олинди. Бу борада “Пардабой Мирзақобилов”, “Алтурин”, “Умсин момо”, “Чархпалақобод” каби фермер хўжаликларида тахсинга лойиқ ишлар амалга оширилди.

“Унумдор” фермер хўжалиги ҳам тумандаги илғорлар сафидан тушмай келади. Ҳам галла, ҳам пахта борасидаги шартномавий режалар ҳар йили ошиғи билан бажариб келинади.

— 138 гектар майдонда деҳқончилик қиламиз, — дей-


ди фермер Бурҳон Нурмуҳамедов. — Шунинг 58 гектариде ғўзанинг “Бухоро-102” навини парваришляпмиз. Уруғлик пахта етиштириб беришни зиммамизга олганлигимиз боис, ғўза парваришини ҳам шу асосда олиб боряпмиз. Таъкидлаш керакки, бу йил ерга чигит қадаш пайтида тинимсиз ёққан ёмғир мавсумни анча кечиктирди. Шу сабаб, ғўза ниҳоллари ривожини ўтган йиллардагига нисбатан ўн-ўн беш кунга ортда қолди. Ҳақиқий деҳқон учун табиат ноқулайликлари баҳона бўлолмайди. Ғўза ниҳоллари униб чиққанданоқ асосий эътиборни агротехник тадбирларни сифатли ва ўз вақтида ўтказишга қаратдик. Ўтган йили шу кунгача икки марта суғорилган бўлса, бу йил ғўзалар уч бора сувдан чиқди, баъзи пайкалларга тўртин-

чи бор сув таралаяпти. Ғўза қатор ораларига ўз вақтида, сифатли ишлов берилди. Экин минерал ўғит билан озиклантирилди. Суғориш ишлари фақат “шарбат” усулида амалга оширилди. Далага чиқарилган маҳаллий ўғитлардан ташқари, ҳар гектар майдонга қўшимча равишда йиғирма тонна товуқ гўнги “шарбат” усулида оқизилди.

Шуни алоҳида таъкидлаш керакки, ғўза ривожиде далада меҳнат қиладиган сувчиларнинг хизмати алоҳида аҳамиятга эга. Шу сабаб, фермер хўжалигида меҳнат қиладиган ўн икки нафар сувчилар учун барча шароит яратилган. Фермер хўжалиги раҳбари режадан ортган галла ҳисобидан уларга ўттиз икки тонна бугдой тарқатди.

— Иш суръатини сусайтирмай, парваришни оби-тобида олиб бораверамиз, — дейди фермер. — Ахир тажрибали деҳқонларимиз бежизга айтишмаган: асаднинг ҳар дами ғанимат. Демакки, бугунги меҳнат мўл ҳосилга гаров.

Акбар ҚАРШИЕВ,
“Qishloq hayoti” мухбири.

 Қашқадарё Вилояти

ЛОЙИҲА ПУХТА БЎЛСА...

Мамлакатимиз қишлоқ хўжалиги соҳасида амалга оширилган кенг кўламли ислохотлар ўзининг ижобий самараларини бермоқда. Хусусан, мелиорация ва ирригация тармоқларида изчил ишлар натижасида ерларнинг мелиоратив ҳолати яхшиланиб, тупроқ унумдорлиги ошди. Пахта, галла ва бошқа экинлар ҳосилдорлиги кескин кўпайди. Бу эса қишлоқ мулкдорларининг ерга, меҳнатга бўлган муносибатини тубдан ўзгартирди.

Тажрибали лойиҳачилар билан бирга изланувчан ва иқтидорли ёшларни бирлаштирган жамоамиз ҳам тармоқда олиб борилаётган кенг кўламли ишларда ўзининг муносиб ҳиссасини қўшиб келмоқда.

Ўтган йилнинг сентябрь ойида ташкил этилган корхонамиз сув хўжалиги тизимидаги иншоотларни таъмирлаш, тиклаш ҳамда ирригация ва мелиорация бўйича лойиҳа ишларини бажариб келмоқда.

Обод турмуш йилида тўлиқ ишга киришдик. Дастлаб Косон туманида жойлашган “Гувалак” насос станциясидаги канални тозалаш учун механизмлардан фойдаланиш бўйича лойиҳани ўз вақтида тайёрлаб бердик. Фузор туманидаги вақтинчалик ёрдамчи насос станциясини қуриш (бир сонияда 6 кубометр сув ўтказиш қувватига эга) бўйича лойиҳа ҳужжатларини ҳам муддатидан олдин тайёрлашга эришдик. Бундан ташқари, Муборак газни қайта ишлаш заводи ёрдамчи хўжалигида 2,5 гектарлик сунъий балиқ ҳавзаси қуриш борасидаги лойиҳа ишлари қисқа муддатда адо этилди. Айни пайтда эса Китоб, Шаҳрисабз туманларида коллектор, дренаж тармоқларини механизмлар билан тозалаш ишларининг лойиҳасини тайёрлапмиз. 67 километр масофада олиб бориладиган бу юмушларни механизмлар билан тозалаш ўта мураккаб жараён саналади. Шу боис, бу ишларни тез ва сифатли амалга оширишда ҳар томонлама муқаммал лойиҳа ишлаб чиқиш талаб этилади. Бу борада Хайрулло Маҳмудов, Баҳром Раҳматов, Абдулло Бердиев каби лойиҳачиларимиз олиб бораётган изланишлар ҳам илмий, ҳам амалий жиҳатдан тўла асосли эканлиги билан эътиборга молиқдир. Умуман олганда, корхонамизда олиб борилаётган чора-тадбирлар жорий йилдаги лойиҳа ишларини тез ва сифатли амалга ошириш имконини беради.

Режаларимиз кўп, мақсадимиз улкан. Барида бир маъно мужассам: юртга хизмат қилиш. Албатта, бунинг учун ҳам пухта лойиҳалар керак, катта меҳнат зарур. Аҳил жамоамиз билан бунга эришишга ишонамиз. Имконият бор, шароит етарли. Муҳими, шу.

Орифназар ИМОМНАЗАРОВ,
Қарши шаҳридаги “Насаф” маҳсус сув қурилиш,
таъмирлаш, созлаш” МЧЖ раҳбари.

Мутахассислар ҳисоб-китобларига кўра, ҳозирда дунё аҳолисининг қарийб 40 фоизи тоза ичимлик суви етишмайдиган жойларда яшайди. 2025 йилга келиб, ҳар 10 кишидан 6 нафари ёки 5,5 миллиард аҳоли тоза ичимлик суви танқис ҳудудда яшаши мумкин. Сув муаммоси бизнинг минтақамиз учун ҳам долзарбдир.



МЕДИАТУР

ОАВ – СУВ РЕСУРСЛАРИДАН ОҚИЛОНА Фойдаланиш тарғиботида яқин кўмакчи



Маълумки, Марказий Осиё давлатлари аҳолисининг сувга бўлган талаби асосан трансчегаравий дарёлар – Амударё ва Сирдарё ҳисобига қондирилади. Кузатишларга қараганда, 2020 йилга бориб иқлим ўзгариши, глобал ҳароратнинг ошиши туфайли мазкур дарёларни сув билан таъминлаётган музликлар захирасининг 15-20 фоизга камайиши кутилмоқда. Тоғ музликлари ҳажми йилига 0,2-1 фоиз атрофида камайиб бораётгани, тоғ дарёлари ҳавзаларида қор захиралари тобора қисқараётгани фикримизнинг исботидир. Иқлим ўзгариши туфайли минтақамизда ёз фаслига хос қуруқ ва иссиқ давр чўзилади. Ўз навбатида, қишлоқ хўжалиги экинларини суғориш меъёри йилдан-йилга ошиб, эҳтиёж янада ортади. Мазкур рақамларни келтиришдан мурдда, албатта, таҳликага солиш, қўрқитиш эмас балки инъом этилган барча неъматларнинг энг азизларидан бири бўлмиш обихаётни тежаб, исрофгарчиликка йўл қўймасдан оқилон фойдаланишни тарғиб қилиш. Айни шу мақсадда Ўзбекистон экологик ҳаракати ва Глобал сув ҳамкорлиги ташкилотининг Марказий Осиё ва Кавказ бўлими ҳамкорлигида “Сирдарё” ирригация тизимлари ҳавза бошқармасига медиатур уюштирилди. Унда электрон ва босма оммавий ахборот воситаларининг фотомухбирлари, экология ва тиббиёт соҳасида фаолият олиб бораётган нодавлат нотижорат ташкилотлари вакиллари ва мутахассислар иштирок этдилар.

Тадбир давомида иштирокчилар минтақамиздаги сув ресурслари жумладан, трансчегаравий дарёлардан фойдаланиш масаласида мутахассисларнинг маърузаларини тинглаб, фикр-мулоҳазалари билан ўртоқлашдилар. Шунингдек, “Сирдарё” ирригация тизимлари ҳавза бошқармаси-

га қарашли Чирчиқ дарёси бўйида жойлашган сув иншооти — гидроузел фаолияти билан танишиш имконига эга бўлишди.

— Чирчиқ дарёси ҳам трансчегаравий дарёлар сирасига киради. Унинг юқори оқими Қирғизистон ва Қозоғистон ҳудудидан, ўрта ва қуйи оқими эса мамлакатимиз ҳудудидан ўтиб, яна бир трансчегаравий дарё — Сирдарёга қўшилади, — дейди Юқоричирчиқ сув иншоотлари бошқармаси бошлиғи Улугбек Баратов. — Мазкур гидроузел асосан сувни тўғри тақсимлаш функциясини бажаради. 14 та шит-тўсиқ мосламаси ёрдамида сув оқими назорат қилиниб, тошқинларнинг олди олинади. Ва ўз ўрнида маълум қисми Тошкент вилоятининг бир неча туманлари аҳолиси эҳтиёжи учун етказиб берилади. Мазкур гидроузелнинг алоҳида аҳамиятли томони шундаки, у тўлиқ компьютерлаштирилган ҳолда фаолият юритади. Сув сатҳи, оқим тезлиги ва ҳоказо каби кўрсаткичлар авваллари кунига уч маротаба “кўлда” ўлчанарди. Бунинг ўзига яраша ноқулайликлари кўп эди. Ҳозирги кунда эса махсус мосламалар барча зарур маълумотларни ҳар 10 дақиқада компьютерга узатади. Шит-тўсиқларни очиш, ёпиш зарур миқдордаги сувни ўтказиб юбориш билан боғлиқ барча юмушлар ҳам компьютер ёрдамида амалга оширилади. Ўзбекистонда жами ўндан ортиқ сув иншоотларида компьютерлаштирилган тизимдан фойдаланилади.

— Мазкур типдаги иншоотларнинг яна бир аҳамиятли томони бор, — дейди Глобал сув ҳамкорлиги ташкилотининг ҳудудий вакили Владимир Соколов. — Минтақадаги сув танқислиги трансчегаравий сув манбаларидан фойдаланишда эътиборли ва ўта эҳтиёткор бўлишни талаб этмоқда. Сувни барчанинг эҳтиёжини ҳисобга олган ҳолда адолатли тақсимлаш жуда муҳим. Бунда эса айнан компьютерлаштирилган тизим кўл келади. Ушбу сув иншоотидан мунтазам равишда олиб турилган маълумотлар марказий компьютерда ҳам акс этади. Бу, авваламбор, холис, аниқ, ишонарли маълумотга эга бўлиш имкониятини беради. Қолаверса, сув ресурсларини тўғри тақсимлаш, назорат қилишда катта қулайлик яратади. Агарда Марказий Осиё минтақасидаги барча сув иншоотларида шундай қурилмалардан фойдаланиш жорий этилса, кўплаб муаммолар ечимини топишга катта ёрдам берган бўларди, деб ўйлайман. Билишимча ҳозирда қозоғистонлик ҳамкасблар компьютерлаштирилган тизимни жорий этиш, бу борадаги ўзбекистонлик сувчилар тажрибасини ўрганиш устида иш олиб боришмоқда.

Шунингдек, тадбир давомида аънавий тарзда ўтказиб келинаётган экожурналистика Республика танлови ҳақида ҳам сўз борди. Жорий йил ўн иккинчи бор ўтказиладиган танловда ташкилотчиларнинг маълум қилишича, қўшимча махсус номинация бўйича фототанлов ҳам ўказилади. Унга сув ресурсларидан фойдаланиш муаммоларига бағишланган, шунингдек, сув иншоотлари фаолияти акс этган суратлар қабул қилинади.

Азиз НУРУЛЛАЕВ,
“Qishloq hayoti” мухбири.
Рашид ГАЛИЕВ олган суратлар.

Қашқадарё Вилояти

ҚУЛАЙ ИНВЕСТИЦИЯВИЙ МУҲИТ САМАРАСИ

Мамлакатимизда хорижий инвесторлар ҳуқуқларини ҳимоя қилишнинг ҳуқуқий механизмларини мустаҳкамлаш, уларнинг юртимизда эркин фаолият юритиш учун имтиёз ва преференциялар тақдим этиш, умуман, инвестициявий муҳитни янада яхшилашга алоҳида эътибор қаратилмоқда. Вилоят адлия бошқармаси томонидан ташкил этилган анжуманда ана шу ҳақда атрофлича сўз юритилди.

Тижорат банклари, ҳуқуқни муҳофаза қилувчи идоралар ҳамда бевосита хорижий инвестициялар иштирокида фаолият юритаётган корхоналар вакиллари қатнашган ушбу тадбирда инвестицияларни рағбатлантириш борасида қабул қилинган бир қатор қонунлар, норматив-ҳуқуқий ҳужжатлар хорижий инвестицияларни жалб этишни рағбат-

лантириш, инвесторлар ҳуқуқларини муҳофаза қилишни кафолатлашда муҳим дастуриламал бўлаётгани алоҳида таъкидланди.

Вилоятда хорижий инвестициялар иштирокидаги корхоналарни ташкил этиш ва уларнинг фаолият кўрсатиши учун қулай шарт-шароитлар яратишга муҳим устувор вазифа сифатида қарал-

моқда. Ўз навбатида, бу ишларнинг барчаси инвестиция муҳитини янада яхшилаш, ишлаб чиқаришни модернизация қилиш, техник жиҳатдан қайта жиҳозлаш ва реконструкция қилиш, қўшимча янги иш ўринлари яратиш дастурларини амалга оширишга хизмат қилмоқда.

Тадбирда назорат қилувчи органлар томонидан хорижий инвестициялар иштирокидаги корхоналарда текширишларнинг қонунийлигини таъминлаш, корхоналарда ўтказилаётган мониторинг натижалари, хўжалик судларига даъво аризалар қиритишда янги-ча тартиблар ҳамда хорижий корхоналарни давлат рўйхатидан ўтказиш юзасидан берилган саволларга атрофлича жавоб қайтарилди.

Хусан ТЕМИРОВ,
“Qishloq hayoti” мухбири.

АНЖУМАН



КУРАШИМИЗ ДОВРУҒИ ДОВОН ОШМОҚДА

«Ҳалол», «Ёнбош», «Чала». Бу иборалар неча минг йиллик тарихга эга бўлган ўзбек миллий курашига тааллуқли. Улар кураш жараёнидаги, маълум босқичи ёки якунидаги ҳолатни, ишқибозлар, ҳакамлар ҳулосаю эътирофи маъно-моҳиятини англатади. Халқимизнинг қадимий қадриятларидан бири бўлган мардлик, инсонийлик, ор-номус ифодаси саналган курашга мустабиллик даврида етарли эътибор берилмади, уни камситиш ҳолатлари кўзга ташланди, ўзбек полвонлари қадр топмадилар.



Мамлакатимиз мустақилликка эришган дастлабки йиллардан бошлаб Президентимиз томонидан ижтимоий-иқтисодий, маънавий-маърифий, ҳуқуқий ва бошқа жабҳаларда туб ўзгаришларга қўл урилди. Энг аҳамиятлиси шундаки, барча соҳалардаги эврилишлар изчил тизимга асосланган ҳолда амалга ошириб келинмоқда. Ўзбек курашини халқаро майдонга олиб чиқиш, дунё миқёсида эътироф этилишига эришиш йўлидаги саъй-ҳаракатлар энг муҳим йўналишлардан биридир.

1998 йилнинг 6 сентябрида Лотин Америкаси, Европа ва Осиё қитъасининг 28 давлати вакиллари иштирокида Тошкентда бўлиб ўтган таъсис конференциясида Кураш Халқаро Ассоциацияси (ИКА) тузилган. Ўтган ўн беш йилда спортнинг бу турини оммалаштириш борасида кенг қўламли ишлар амалга оширилганлиги, кўплаб чемпионатлар ва турнирлар ўтказиб келинаётганлиги, ҳозирги пайтда жаҳоннинг 121 мамлакатидан ИКАнинг федерациялари фаолият кўрсатаётганлиги курашимизга бўлган катта эътибор ифодаси ҳисобланади.

Ўзбекистон Миллий матбуот марказида бўлиб ўтган анжуманда айнан шулар ҳақида атрофлича фикр юритилди. Кураш Халқаро Ассоциацияси президенти Комил Юсупов журналистларнинг саволларига жавоб берар экан, спортнинг бу турини янада оммалаштириш ва тарғиб этиш йўлида олиб борилаётган ишларга тўхталиб, барча саъй-ҳаракатлар Президентимиз томонидан қўйилган асосий вазифа — курашни Олимпиада ўйинлари қаторига қўшишга қаратилганлигини алоҳида таъкидлади.

Суннат САЙДАЛИЕВ,
“Qishloq hayoti” мухбири.

Қашқадарё вилояти

ЭЗГУЛИК УЛАШИШДА СУВДАН УЛУ ОЛИБ...


Яқинда Германиянинг Рейнланд-Пфальц федерал ўлкаси маркази – Майнц шаҳрида «Ўзбекистон маданияти кечаси» бўлиб ўтди. У мамлакатимизнинг Берлиндаги элчихонаси ва Франкфуртдаги Бош консуллиги томонидан Майнц шаҳар университети билан ўзаро ҳамкорликда ташкил этилди.

Унда юртимизда ёшларнинг давр талабларига мос билим олишларини таъминлаш юзасидан амалга оширилаётган чора-тадбирлар ҳамда болалар хукуқларини ҳимоя қилиш бўйича умум эътироф этилган тамойил ва меъёрларга амал қилиш юзасидан олиб борилаётган ислохотлар алоҳида эътироф этилди.

“Дунё илм-фани ҳамда маданияти тараққиётига улкан ҳисса қўшган буюк мутафаккирларга бешик бўлган Ўзбекистон кўҳна тарихга ва бой маданиятга эга диёр. Майнц шаҳар олий ўқув юртларида таълим олаётган ўзбекистонлик талабаларнинг билим олишга нисбатан кучли иштиёқлари мамлакат интеллектуал салоҳияти қанчалик юқори эканлигидан далолат беради...”

... Шу топда Қашқадарёда яшайдиган меҳнат фахрийси Икром Юсуповнинг ҳам бу эътирофлардан боши кўкка етган, беҳад севинаятган эди. Сабаби, унинг қизи Дилфуза айни пайтда отаси билан телефонда гаплашарди. Дилфуза Майнц университетига илмий изланишлар олиб бормокда. Унинг тўлқинланиб сўзлаши Икром аканинг юрагини тўлдириб борар, кўнглини тоғдек ўстирарди. Ахир Ватанинг шу қадар улғур мартабага эришяётганини кўриб, қувончга тўлмай бўладими?! Ўзи ҳам шундай даргоҳларда ўқишни орзу қилмаганмиди? У хаёлга берилди. Ёшлигини эследи.

...Отаси Айибхон ва онаси Фотима ая уларни зориқтирмай ўстиришга ҳаракат қилди.



Аммо бугунги кун ёшлари каби замонавий илм масканларида ўқимади. Ёзда иссиқ, қишда совуқ синфхоналарда эски парта ва доскадан бошқа жиҳоз бўлмасди. Олий ўқув юртида ўқиб юрган кезларида ҳам бундан кўп нарсга кўрган эмас. Учта-тўртта тилни би-

лиш, ўз иқтидорини намоён этиш, хорижда ўқиш – булар у ўсган давр учун бегона. Бироқ у эриша олмаган ютуқларга бугун фарзандлари, набиралари эришяпти...

Икром акани кўпдан бери биламан. У киши узоқ йиллар сув ҳўжалигида ишлаган, мо-

хир мироб. Самимий инсон. Турли йилларда мелиорация, сув ҳўжалиги ва бошқа соҳаларда масъул вазифаларда ишлаган Икром Юсуповдаги ғайрат-шижоатни, фидойиликни кўрганда баъзида ҳайрон қоламан: бу одам бунча куч-қувватни қаердан оляпти? Касбга бўлган муҳаббатими бу? Юртга бўлган чексиз ҳурмат-эҳтиромми ё?

– Фаолиятимнинг энг жўшқин даврлари мамлакатимиз сув ҳўжалигида улкан ислохотлар амалга оширилган пайтга тўғри келди, – дейди у. – Шу давр билан ҳамнафас бўлиш, ислохотларга ўзининг ҳам ҳиссанг қўшилаётганини сезиб бориш инсонга ифтихор бағишлайди. Истиқлол йилларида мамлакатимизда ер ва сув ресурсларини тежайдиган самарали технологияларни амалиётга кенг татиқ этиш борасида улкан ишлар амалга оширилди. Жумладан, вилоятимизда ҳам. Айни шу жабҳада ишлаб уларнинг келажак учун аҳамияти жуда катталигини билардим. Биргина мисол, жорий йилда вилоятда кўплаб фермер ҳўжаликларида 100 центнердан ошириб галла ҳосили олинди. Бу ниҳоятда катта кўрсаткич. Фермерлар билан суҳбатлашганимизда айтишадик, бунинг омилларидан бири – ерларнинг мелиоратив ҳолатини яхшилашга қаратилган эътиборда, сув ҳўжалигида амалга оширилган ислохотларда.

Ҳаётда шундай инсонлар бўладик, уларнинг фидойилиги, ташаббускорлиги, ғайрат-шижоати бошқаларга ҳам юқади, ибрат бўлади. Кишилар беихтиёр уларга ўхшагиси, уларнинг ёнида ишлагиси келади. Бундай инсонлар элни тўплай олади, жамоани шакллантиради. Уларни ободликка, бунёдкорликка йўналтира олади.

– Устоздан кўп нарсга ўргандим, – дейди Жаҳонгир Бобоев. – Ҳозир ҳам маслаҳат-

ларини аямайди. Керак бўлса койийди, йўл-йўриқ кўрсатади.

Раҳмонкул Мамарасулов, Боймурод Пиримов, Бекназар Бердиев, Марям Аҳмедова, Мақсуда Хўжамова, Сожида Хусановадан ҳам устози Икром Юсупов ҳақида ана шундай илиқ сўзларни эшитдик.

Икром аканинг яна бир одади бор: сувни исроф қилгани, ерни бекор қолдиргани кўрса, чидаб туролмайди. Ишдаги каби оилада ҳам тадбиркорлик билан иш юритади. Ҳатто, уйда ҳам бўш ўтирмайди. Томорқасидаги 10 сотих ерда иссиқхона ташкил этган. Турли кўкатлар экади. Лимон, помидор парваришлайди.

– Бу нафақат қўшимча даромад манбаи, балки катта тарбиявий аҳамиятга ҳам эга, – дейди у. – Яъни меҳнат билан тарбияланган фарзанд қил инсон бўлиб вояга етади. Бўш вақтини самарали сарфлашни ўрганади. Оилага қайишади.

Икром Юсуповнинг оиласидан ҳам ибрат олса арзийди. Оиладаги муҳит фарзандлар тарбиясига ҳам ўз таъсирини ўтказган. Фарзандлар, набиралар ҳам элу юрт хизматига камарбаста инсонлар бўлиб вояга етишмоқда. Энг муҳими, қандай жабҳада хизмат қилишмасин, эл қорига яраш, юртни равнақ топтиришга ҳисса қўиши нияти билан яшамокда.

... Сув томчиларида шундай ҳикмат бор. Заррама-зарра оламга ҳаёт бахш этади. Чарчамай, толиқмай дунё кезади, ҳар хил шаклга қиради. Аммо мақсади битта бўлиб қолаверади – ҳаёт бахш этиш, эзгулик улашиш.

Икром акада ҳам шу фазилат мужассам – фидойиликни кундалик ҳаётининг мезонига айлантирган. Балки буни умр бўйи ишлаган касби – миробликда сувдан олгандир.

Хусан ТЕМИРОВ,
“Qishloq hayoti” муҳбири.
Рашид ГАЛИЕВ олган сурат.

ЭЪЛОНЛАР

ВНИМАНИЮ ОРГАНИЗАЦИЙ И ПРЕДПРИЯТИЙ!

ОАО “НАВОЙИДОНМАХСУЛОТЛАРИ” ОБЪЯВЛЯЕТ КОНКУРСНЫЙ ТОРГ

НА ОБЪЕКТ: “Строительство “Хлебобулочного цеха” на территории райцентра Навбахорского района Навоийской области”.

Стартовая стоимость заказчика без НДС 275 931 742 сум, с НДС 331 118 090 сум.

Срок завершения строительства 3 месяца.

Заказчик ОАО “Навоийдонмахсулотлари”.

Расположенный в г.Навои, ул.Навои-3.

Финансирование осуществляется за счет собственных средств.

Предприятия и организации, вы-

ступающие в качестве претендентов должны соответствовать следующим требованиям: оборотные средства в размере не менее 20 % от стоимости предмета конкурсных торгов или поручительство банка на предоставление указанных средств, производственные базы, трудовые ресурсы и специалистов, необходимых для выполнения работ (услуг), обладать опытом работы на объектах, аналогичных конкурсному объекту, гражданской правоспособностью и полномочиями на заключение договора.

При участии в конкурсных торгах отечественных и зарубежных строи-

тельных организаций при оценке конкурсных предложений предусматривается следующие ценовые преференции для отечественных подрядчиков: при проведении оценки конкурсных предложений участников конкурсные предложения с импортной поставкой работ (услуг), по которым импортеры в соответствии с законодательством освобождаются от налога на добавленную стоимость, достигаются на сумму указанного налога.

Для участия в торгах и приобретении конкурсной документации необходимо обратиться с запросом к организатору торга **Территориальный**

консалтинговый центр по конкурсному торгам и ценообразованию в строительстве по Навоийской области по адресу г.Навои ул.Гвасалия-2А, тел.: 225-49-96, 225-47-98.

Стоимость одного комплекта документов 100 000 сум.

Оферты принимаются организатором торгов по адресу: г.Навои ул.Гвасалия-2А, тел.: 225-49-96, 225-47-98.

Крайний срок представления оферт организатору торгов ко дню и часу вскрытия оферт.

Вскрытие оферт состоится не менее чем через 30 дней после опубликования объявления.

Вазирлар Маҳкамасининг 03.07.1999 й.даги “Молиявий-ҳўжалик фаолиятини амалга оширмаётган ва қонунчиликда белгиланган муддатларда ўзларининг Устав жамғармаларини шакллантирмаган қорхоналарни тугатиш тартибини соддалаштириш чора-тадбирлари тўғрисида”ги 327-сонли қарори ҳамда Тошкент ш. хўжалик судининг қарори билан тугатилаётган қорхоналарнинг РЎЙХАТИ:

№	Қорхона номи	СТИР	Хўжалик судини қарори ва санаси	
1.	IXLOS АФ АОЗТ	203774533	10-0817/5759 (21)-т	30.05.2008
2.	АУДИТОР 777	202329208	10-0509/6237	05.07.2005
3.	О‘ЗБЕКИСТОН АУДТЕКШИРУВ МЧЖ	205177206	10-0821/5523 (21)-т	20.05.2008
4.	SADAF-AUDIT AT МЧЖ	203725205	10-0817/5766 (21)-т	30.05.2008
5.	PROGRESS-2 МЧЖ	202339076	10-0821/5531 (21)-т	20.05.2008

Думалоқ муҳр ва штамплари бекор қилинади. Дебитор ва кредитор даъволари эълон чоп этилган кўндан бошлаб 2 ой муддатда махсус комиссия томонидан Тошкент ш., Қодирий кўч., 7а манзили бўйича жойлашган Шайхонтоҳур т. ҳокимиятида қабул қилинади.

Утерянную лицензионную карточку АТ № 1310852 от 29.07.2013 г., выданную “Ўзбекистон автомобиль ва дарё транспорт агентлиги” на ООО “Тошкент вилояти шаҳарлараро йўловчилар ташиш автосаройи”, считать недействительной.

ООО “ОНА МАТЛУВА” (ИНН 204526222), ранее зарегистрированное Решением хокима А.Икрамовского р-на (01.07.2003 г., № 485) сообщает об уменьшении уставного фонда зарегистрированного с 140 410 722 сум до 128 414 210 сум. Адрес: ул. Бешкайрағоч д. 290.

